

K29
15
:381(1)

中國方志叢書·華中地方·第三八一號

據

清·李桂林纂，鄧林等修
清嘉慶二十年修同治四年重印本

影印


四川省

羅江縣志

(一)

成文出版社有限公司印行

序



古者邦國有史無所謂
志也自漢扶風因龍門
體例而易書為志而志以
昭郡縣有志曷昉乎自蜀
李膺益州記常璩華陽
國志始其大者如元和郡

縣志元豐九域志他如范
石湖之吳郡志程篁墩之
新安文獻志以及淳熙三山
志康海武功志作者迭興
皆以備一朝之外史何也志
與史體異而以資鑒戒則
沿同也

國朝雍正七年

世宗憲皇帝特命儒臣纂修
大清一統志

詔天下各脩省志自會垣以達州邑
皆得纂輯成書以昭

聖世同文之治是年羅江剖自旌
陽一切農田學校諸火端規

模草創經畫未備而志亦缺
焉未修蓋自順治十六年併
入旌陽維時甫經建置也乾
隆九年秀水沈亦昭潛之涖
羅於政餘之暇苦心蒐討輯
成志藁十二卷署任楚北瀛
堯俞以授梓人羅於是乎有

志然猶屬椎輪也已已冬
桂林承乏茲土謬膺專城
之寄愧乏百里之才因念
吏治賢否人才盛衰民生
休戚疆圉廣狹欲周知之
莫善夫志前志迄今七十
餘載中間裁知汝縣事闕

建章且官常政治之得失
與夫忠孝義烈之生人慨
慕者苟未能隨時采輯執
必歲久湮沒掇拾無從也
矣可哉爰咨耆老訪遺事
援據舊聞網羅散失思溢
事於斯役卒以簿書歷略

而未果也適歲之辛未
大府請於

朝續修蜀省通志檄下府廳
州縣各輯志乘以供采擇
桂林因取前志而重修之泰
之省志州志復博采諸家
彙輯成帙其有闕法戒者


而益加詳慎焉今纂諸吳
徵文考獻日不遺餘力四
閱月而書成舊志所載存
者居十之四五餘皆蒐剔遺
逸摭撫時事缺畧者補之
煩重者禡之共得三十六卷
付之剞劂以脩一方攷鏡云

爾噫羅固瘠壤百餘年
來民生日厚風氣熙之日
上蓋其沐浴

聖朝雅化漸仁摩義有不自
知其所以然者此所以被
潤澤而大豐美也夫皆
嘉慶乙亥重陽前二日

賜進士出身知羅江縣事古閩

李桂林丹巖氏撰



羅江縣志原序

沈潛舊志序

志之爲書所以記一方風俗民情土地山川戶口
徭賦與有關國計民生之事無不詳悉備載信今
傳後勵俗維風瞭如指掌誠不可一日無者也羅
自明季兵燹後生民凋瘵邑幾爲墟故於順治十
六年裁歸德陽兼管我

朝邳治覃敷深仁厚澤休養生息至

世宗憲皇帝時土闢人衆於雍正七年間遂復設令尉爲

治而縣志一書泯然無存蓋缺事也用是不揣固陋廣稽博採兩年之間草創成帙其信而有徵者詳之疑而無據者闕之不敢云作亦不敢言文爰付剞劂以備採擇云

闕昌言舊志序

州縣有志較之省志府志大小不同所以備輶軒採擇其義一也羅江邑治昉自晉歷代因革不一明季兵燹後廢爲頽垣

國朝初併入德陽欣逢

聖恩廣被文教日新遐陬僻壤咸爲樂郊羅雖蕞爾邑
亦木拔道通人民輻集又屬皇華孔道商旅絡繹
不絕雍正七年復設羅江縣衙署祠廟煥然一新
士習民風烝烝向化以視從前榛莽荒蕪不啻相
隔霄壤矣惟邑乘未經修葺前任沈菟採編輯集
爲一帙欲授之剞劂未果余於乙丑孟夏攝篆取
而讀之備見討論苦心先疆宇次田賦重國土也
次學校選舉禮儀祀典下及列女貞婦淑人心也
次水利農桑厚民生也以及名山勝蹟古今序文

無不備採卷帙雖簡其中教養兼備惜未授梓余
於公餘之暇爰同邑人參互考訂廣採博蒐續增
數帙以補其缺付之梨棗以期垂久以俟後之君
子留心較正是所深望焉耳

李調元梓里舊聞序

羅江縣舊無志乾隆九年邑令秀水沈公潛延余
先君石亭公纂修時兵燹初定並無書籍可考急
於卒役不及細訪前代名家著述今百餘年來

本朝文教光昌大開四庫全書重修永樂大典於是

內府秘藏幾乎家有其書矣此縣志之所宜亟亟也
調元自歸田以來杜門讀書念日月之已逝恐文
獻之無徵若不繼前志而補前缺恐一旦填溝壑
咎將誰歸爰取先君所纂舊志遍加考訂又復於
登山臨水之餘坐小輿攜胥吏由本州五邑山巔
水涯凡有半碣殘碑自明以上者莫不手自摹搨
家故有萬卷樓又復獺祭漁獵夜以繼日互相校
讐並取州邑舊志去其無徵摘其可據歷三寒暑
以成此書其每條俱載原書之名用朱竹垞日下

舊聞例也其所採金石文俱照式繪圖於旁其門
則分沿革城池縣署各官各署城內東鄉南鄉西
鄉北鄉人物節孝道釋技術土產共十五門獨不
編藝文一門俱附見於名勝古蹟之後以便查閱
皆低一格其拙作詩文亦間錄於後至調元偶有
考證則低三格附按焉共十卷名曰梓里舊聞俟
後之賢大夫他年纂修古綿總志備芻蕘之一採
也